

校正
字嘯亭雜錄

上海文瑞樓印行

嘯亭雜錄卷十

稗史

按紀曉嵐宗伯灤陽續錄載五大神事。力辨其妄。因思委巷瑣談。雖不足與辨。然使村夫野婦聞之。足使顛倒黑白。如關公釋曹。潘美陷楊業。此顯然者。近有承運傳載朱棣篡逆事。乃以鐵景二公為奸佞。又有正統傳。以于忠肅為元惡大憝。又本朝佛撫院盲詞。以李文襄公之芳為奸臣。包庇其弟。此皆以忠為奸。使人豎髮不知作俑者始自何人。任使流傳後世。不加禁止。亦有司之過也。

華山道士

乾隆初年。有京師白雲觀道士。往游西嶽。夜宿湘子亭。見一道士。豐頤美髯。望之若仙。年已九十餘。與之談國初事最悉。京師道士怪而問之。其人慨然告曰。吾本滿人。少從英王西征。戰功最多。洊至參領。後隨經略莫洛征王輔臣。洛為輔臣所誘殺。吾儕恐以陷帥獲罪。乃隱避此山中。已六十餘年矣。因流涕久之。命道士寄書歸。並告其居址里巷子孫姓字。道士歸訪其宗。久已徙去。莫知誰何云。

簪侍御

簪侍御

重光

句容人。居官有直聲。嘗劾明珠余國柱二相國棄官而去。不知所終。

有吾邑金氏子。隨其舅氏之官甘肅。遇道士於漢龍山。年九十餘。作江南語。狀貌偉然。頗善書法。自云曾為諫職。以劾權相去官。然自稱繡髮真人。不言姓字居里。金氏子屢叩之不告也。後金氏子歸告諸士大夫。皆云其狀彷彿侍御。然終無左證也。

南征小校

大兵討吳逆時。有涿州小校充軍以行。校初入伍。無他技。惟善烹飪。故留營中。為軍士具食。一日熟飯初熟。賊劫營入。眾軍奔潰。校倉皇恐無餘糧。因以飯囊繫馬後。囊蒸馬背。馬咆哮轉入賊隊。賊將驚懼。我兵因之轉敗為勝。大破其眾。主將嘉之。拔為隊長。後累功至護軍參領。李靜軒先生少猶見之。其人自具其顛末。初不甚諱云。

查相國

查相國即阿滿洲人。雍正中。累任督撫。無所施為。人爭鄙之。其童名鈕鈕。遂呼為牛丞相云。然性篤厚。嘗置產容城。田中有楊椒山祠。查感其忠。自撥二頃付畀。子孫以為香火貲。而自食其餘租。後以罪籍沒其田。久無售者。上念其耆舊。因命賜其餘產。惟此田存焉。時人以為其一念之善報云。

綠營增世襲

國初舊制八旗官員陣亡賜雲騎尉世襲綠營則仍沿明制例與難蔭非特旨者不予焉乾隆甲辰上諭兵部云國家滿漢視為一體同為殉節之士豈可功賞之間有所異也乃命文臣自大學士及典史武臣自提督及把總皆以次賞給世襲與滿臣同是故川楚之役將士爭先用命胥工之厚澤所感也

蔣欽

今傳奇家演楊椒山寫本時見其旁有鬼哭初不見於史策按明史御史蔣欽劾劉瑾時曾夜聞鬼哭云云蓋即欽事演劇者以椒山名重故附會之也

忠臣狎妓

自古忠臣義士皆不拘於小節如蘇子卿娶胡婦胡忠簡公狎黎女皆載在史策近偶閱范文正公真西山公歐陽文忠公諸集皆有贈妓之詩數公皆所謂天下正人理學名儒然而不免於此可知粉黛為裙固無妨於名教也因偶題詩云希文正氣千秋在歐九才名天下知至竟二公集具在也皆有贈女郎詞

李巨來夙慧

李侍郎絨性聰慧少時家貧無貲買書乃借貸於鄰人每一翻繹無不成誦偶入

王會王疾甚。他將忌公勇略。不與一卒。且調撤其鄉兵。公乃率兄弟某。支身入苗洞。力殺數十人。遂被害。事聞於朝。上甚惋惜。贈雲騎尉。世襲其家云。

八大家

滿洲氏族。以瓜爾佳氏。直義公之後。鈕祜祿氏。宏毅公之後。舒穆祿氏。武勲王之後。納蘭氏。金台吉之後。董鄂氏。溫順公之後。輝發氏。阿蘭泰之後。烏喇氏。卜占泰之後。伊爾根覺羅氏。某之後。馬佳氏。文襄公之後。為八大家云。凡尚主選婚。以及賞賜功臣奴僕。皆以八族為最云。

文體

汪鈍翁先生有云。昌明博大。盛世之文也。煩促破敗。衰世之文也。顛倒紕謬。亂世之文也。後生為文。豈可昧於辭義。救於經旨。專以新奇可喜。翫然自命作家。倘亦曾南豐所謂亂道。朱晦翁所謂文中之妖。與文中之賊是也。乃知文章盛衰。關乎世道。今幸值右文之世。而近日學者。多以割裂古書。剽襲成語。以為博雅。而課士者。復多取之。誠亦過矣。惟辛酉科。王韓城掌北闈。一洗前人陋習。專以清醇為主。而落第者。反誓誓不休。亦可笑矣。

權臣同列

自古權臣擅國必以簡默易制之人引為同列以為事無肘掣抑且炫已之長如楊國忠之於韋見素盧杞之於關播蔡京之於何執中等秦檜之於楊愿段拂溫體仁之於張四知等無不皆然惟蔡確與溫公共相嚴嵩徐華亭先後同列後皆為其所制近日和坤相時首相為阿文成公遇事輒相梗軋後阿公薨乃引其戚蘇公凌阿同相遂肆無忌憚矣閣中惟王偉人相公素與之忤後坤會鞠時首坐即韓城也故知古今奸臣如出一轍亦勢不容已也

三王絕技

國朝自入關後日尚儒雅天潢世胄無不操觚從事如紅蘭主人敬亭主人皆屢見漁洋雜著諸書矣乾隆中簡儀親王品行端醇崇尚理學其剛直可匹薛文清政治可匹王陽明殆有過者慎靖王詩筆清秀擅名畫苑可與北苑衡山把臂入林近日成親王為今上之兄端醇儒雅書法擅長論者謂國朝自王若霖下一人而已三王皆以屏藩之貴涉獵文翰轉非佔畢之士所可及者信所謂天資非人力也

書賈語

自子和當權後朝士習為奔競棄置正道黠者詬訾正人以文已過迂者株守考訂訾議宋儒遂將廉洛關閩之書束之高閣無讀之者余嘗購求薛文清讀書記

及胡居仁居業錄諸書於書坊中。賈者云：近二十餘年坊中久不貯此種書，恐其無人市易，徒傷賢本耳。主文衡者可不省歟。

本朝理學大臣

本朝崇尚正道。康熙雍正間，理學大臣頗不乏人。如李安溪之方大熊、孝感之嚴厲、趙恭毅公之鯁直、張文清公之自潔、朱文端公之吏治、田文端公之清廉、楊文定公之事君不苟、孫文定公之名冠當時、李巨來傳白峯之剛於事上、高文定公何文惠公之寬於待下、鄂西林之勲業偉然、劉諸城之忠貞素著，以及邵中丞、基胡侍郎、煦之儒雅、蔡聞之太傅、傅龍翰、敏之篤學、甘莊恪、汝來之廉、顧河帥、琮之剛、陳海寧、史溧陽之端方、陳桂林、尹文端之政績完顏、偉張師戴、二河帥之治河、楊勤恪公、錫綬之理學，皆揚名於一時。誰謂理學果無益於國也。

滿洲二理學之士

近日士大夫皆不尚友宋儒。雖江浙文士之數，其仕朝者無一人以理學著。轉於八旗之士得二人焉。一為松尚書，籍蒙古人。雖不以科目進，然品行廉能，立朝不苟。和坤當國時，嘗與之抗。純皇駕任之，居家好理學，程朱之書終日未嘗離手。性孝友，某叔某虎而冠者也，侵佔其田，日相詬詈。雖公官至六卿，而其叔驅使之無

異奴隸嘗命手執炊。公笑受之而已。人有代不平者。公曰。倫常在焉。何可非也。其孝友也如此。其一為唐水部嵩齡滿洲人。成辛已進士。曾任兗沂道。少時以才能稱。老而歸於理學。曰。聊足以自懺耳。理學之書。無不具在。余嘗借觀之。公驚曰。君狂誕之士。而乃肄業及此耶。蓋予素以清狂著也。二公雖官階出處不同。然於舉世不為之時。尚能篤於伊洛。非知道之君子。不能為也。

古長城

自木蘭北數百里。有土堆巍然。東至郭羅斯。西抵準夷界。蜿蜒數千里。屯戍墩堠。猶有存者。土人云。古長城也。按始皇前未聞築長城者。豈天地自然之界。以限中外耶。抑果疏乞禪通所築也。然則始皇之見。亦為愚矣。

海道

按宋史徽宗遣馬政報書於金。當時云艱難險阻。始達其國云云。按金時已據會寧。今盛京諸地。俱為所有。宋使自登州航海。可朝發而夕至。何艱難之有。豈政不識海道。故紆其路。與抑記事家之附會也。

侍衛教場

國朝最重騎射。凡羽林虎賁之士。其退直之暇。嘗較射於教場中。即明內操地也。

鑲黃旗在皇城東北隅臨御河正黃旗在闡華寺後正白旗在小南城即明南內地也

異姓王

本朝罕有以異姓封王者國初孔有德尚可喜耿仲明以泛海來歸封孔為定南王耿為靖南王尚為平南王吳三桂以請兵功封平西王揚古利以世臣故追贈武勲王孫可望來歸封義王黃芳度以殉節贈忠勇王然皆不世其爵惟傅康安以征苗薨於軍特贈嘉勇郡王其子德麟現襲貝勒蓋曠典也

直恪公厚德

舒直恪公諱

超鐸

滿洲望族也曾歷任西安涼州安西黑龍江諸處將軍純皇駕

任之嘗曰

滿洲世族未忘舊習者惟某一人而已公性直篤任西安時其前將軍

杜賴性貪鄙

屢扣糧餉至自製餅餌令軍士以重價購之公至三日立劾其貪士

卒快之任西安提督

金礦事發牽連數百人獄未決公竟命釋之僚屬有請之者

公曰金礦窄不容足

安可容數百人盜者必獲重賞以遠颺矣累及無辜也後盜

果於他境獲之

任黑龍江將軍奏開倭市許開墾諸疏夷民便之有餽參者公笑

曰吾日啖數升

自能強健安用是物為也因取小參啖之曰已領命矣然其味甚

苦無所取也

人笑其朴亦可覘其廉矣

索家奴

索相當權時。性貪黷。一時下屬多以賄進。然多謀略。三逆叛時。公料理軍書。調度將帥。皆中肯要。吳逆患之。乃密遣刺客刺之。公正秉燭治軍書。見一脩髯偉貌者立其傍。問曰。汝得非吳王刺客乎。客長跪頓首。公曰。然則取吾頭客曰。若果害公。早取公首領去。不待公命也。吾至良久。見公批示軍機。咸如身至其地。料理軍書。竟夕不寐。誠良相也。某雖愚。豈敢刺賢相。因反接請死。公笑揮之去。次日乃投公邸中。執奴僕役甚恭。公驅使無不如意。後公下獄。客潛入獄饋飲食。及公伏法。客料理喪殮事畢。痛哭而去。不知所終。按公此事。可比張魏公。然張以忠貞立朝。名播後世。公乃苞苴不禁。致干國紀。反有負於客所望矣。

王西莊復明

王光祿鳴盛家居時。目已瞽者數年。後遇高郵醫曾某。以金針撥其翳。雙目復明。趙甌北曾以詩傳其事云。

山舟書法

梁山舟同書文莊公子也。官侍讀。即引疾歸。善書法。遠近馳名。曰本朝鮮諸國貢使。爭以重價購之。論者謂近日善書者。劉石庵相公。朴而少姿。王夢樓侍讀。豔而

無骨翁覃溪撫摹三唐面目僅存。汪時齋謹守家風典型猶在。惟公兼數人之長出入蘇米筆力縱橫渾如天馬行空。汪文端張文敏後一人而已。

勇健軍

雍正中。西虜未靖。上號召天下壯士。得數千人。其最者能開二十石弓。以鳴鏑射其胸。鏜然而返。又能開鐵胎弓。及舉刀千斤者。號勇健軍。命史文靖公司之。屯巴里坤。以備不虞。後西夷來朝。始罷此軍。故當時盜賊稀少。四海靖謐。論者謂帝善於牢籠勇士。不使其為非也。

車騎營

雍正中。上命上卿籌禦西夷之策。岳威信公獻車營法。其製仿邱濬舊制。稍加損益。凡車廣二尺。長五尺。用一夫推輦。而四夫護之。五車為伍。二十五車為乘。百車為隊。千車為營。行以載糗糧軍衣。夜則團聚為營。戰時兩隊居前。專司衝突。三隊後以隨之。其餘五隊則團護元戎。以防賊入劫戰。並具圖以進。上命滿洲護軍習之。號車騎營。後北征時。屢以車師取勝。然其制嚴重。難以連行。和通之敗。輒亂旗靡。道路壅塞。士卒多有傷損。論者歸咎車戰。遂廢其營。然此役乃將帥驕慢。誤墮賊計。未必皆車騎之咎也。故存其圖。以待後之用者。

一車圖

伍圖

參圖 伍此營

戰圖

車夫車將 卒 卒 車 車 伍 伍 伍 伍

營居圖

營居車圖



帝王入獄

傳奇家演帝王未興時。多有入獄受苦困者。按古今惟漢宣帝少時。以巫蠱繫獄。賴丙吉護之。以免。光武少時。曾與李軼詞訟於嚴尤。陳宣帝流入西魏。繫禁多年。此外更無他帝王繫獄也。

宮女四萬

按開元時。後宮女官多至四萬。久禁不放。亦奢汰極矣。按本朝定例。從不揀擇天下女子。惟八旗秀女。三年一選擇。其幽嫺貞靜者。入後宮。及配近支宗室。其餘者。任其自相匹配。後宮使令者。皆係內務府包衣下賤之女。亦於二十五歲放出。從無久居禁內者。誠盛德事也。

索明二相博古

索額圖明珠並相時。權勢相侔。互相仇軋。後索以事伏法。明為郭制府琇所劾。罷天下快之。然二相皆有絕技。索好玩。凡漢唐以來。鼎鑊盤盂。索相見之。無不立辨真贗。無敢欺者。明相好書畫。凡其居處。無不錦卷牙籤。充滿庭宇。時人有比以鄴架者。亦一時之盛也。

宋人後裔

兩漢以下。為宋室最為悠久。雖屢遭變遷。其業猶存。即亡國後。其後裔亦未有遭酷毒者。按野史謂元順帝為天水苗裔。事雖暗昧。未必無因也。近日董鄂治亭制府考其宗譜。乃知其先為宋英宗越王之裔。後為金人所遷。處居董鄂。以地為氏。數百年之後。尚有巍然興者。何盛德之至也。

三年喪

自漢文帝短喪後歷代帝王皆蹈其陋惟晉武帝魏孝文唐德宗宋孝宗四君絕意行之然武帝終惑杜預之議孝文妄尊篡逆之婦唐德宗空驚虛名宋孝宗惑慕私恩皆未得其正故後世亦無述者惟我純皇孝摯性成力阻浮議使千載之陋更於一旦今上復能繼述前美恪遵先志實為三代後之第一美談也

四布衣

乾隆中上特開四庫全書館延置羣儒劉文正公薦邵學士晉涵于文襄公薦余學士集周編修永年戴東原檢討震於朝上特授邵等三人編修戴為庶吉士皆監修四庫書時人謂之四布衣云

本朝從祀

自明嘉靖間增祀孔廟兩唐諸儒及宋元明三代無不具列本朝罕有繼者惟乾隆初增祀陸稼書閣學一人而已按國家右文之代名儒輩出如名臣湯文正公李文貞公孫文定公楊文定公朱文端公之崇尚儒道下者之如李紱方苞之於理學顧炎武胡渭毛奇齡朱彝尊惠棟任啟運江永顧棟高等之於窮經極一時之盛乃有言職者從未議及何也

明非亡於黨人

近日訾議理學者皆云明人徒知講學不知大體以致亡國何不察之甚也按明末君主昏庸紹璫擅政其國之勢已岌岌不保者數矣賴臣下克明大義遇事敢言以彌縫其過失不然如英宗之被虜武宗之游蕩神宗之昏昧其政皆足以亡國而國未遽亡者未必非諸君子保障之功迨至魏閹擅政誅戮賢臣殆無免者然後寇勢日熾中原土崩與東林諸君子何與焉及夫唐桂諸王奔竄海上其勢萬無可救者而諸臣日謀恢復蹈死如飴是明人之報主亦云至矣而今猶噢咻不已者何哉

三分書

乾隆中上既開四庫全書館分發京師諸處甲辰春翠華南幸念江浙為藝林之藪其天府祕本多有貧士難購辦者因命續錄三部分置揚州太觀堂之文匯閣鎮江口金山寺之文宗閣杭州聖因寺之文瀾閣俾江浙士子得以就近觀摩騰錄實藝林之盛事也

摺子

自明太祖後立通政司凡內外章奏皆頒於其司掛號後始能達入九重故權相

多以其私人專主其任。凡言路稍有動作。無不先知。故使讜言正論。多有泄漏。以致被罪者。如嚴嵩之於趙文華是也。憲皇帝夙知其弊。乃命內外諸臣。凡有緊密事務。改用摺奏。專命奏事人員若干。以通喉舌。無不立達御前。初無輶輳數百年之弊政。於是始革。通政司惟掌文書而已。無曩日之權也。

圖爾泰

康熙中有滿洲科臣圖爾泰者。葉河巨族也。與明珠同族。初不善其所為。嘗劾奏滿臣權重。漢之六部九卿。奉行文書而已。滿人謦咳之下。無敢違者。殊非立政之體。以忤當日權臣。謫黑龍江。公素尚理學。於成所自置周程四先生祠。朝夕禮拜。人爭笑其迂。亦可以覘其行矣。

朝鮮廢君

明人十六朝小紀中。曾紀朝鮮王李琮篡弑其叔暉事。朝鮮嗣王力辯其誣。具載於池北偶談中。今明史依違其詞。亦無明文。然吾邸屬有韓氏者。其譜言先世明璉為朝鮮武臣。為暉所任用。後李倬因淫於宮闈。據奪大位。囚暉於某島中。以石灰瞋其目。韓氏盡被族誅。惟其始祖雲與其弟靈。星夜逃竄。幾被擒獲。凡三月始至盛京投誠。太宗義其忠於所事。因授輕車都尉。世襲云云。則是小紀所載未必

盡誣也

將軍

古有伏波樓船諸將軍名號未有以將軍為官名者國初四方未定多有以重臣佩諸將軍印將勁旅屯戍者後遂沿為滿人總兵之名號惟察哈爾烏魯木齊及天津水師稱都統餘皆稱為某處將軍秩一品視提督上盛京初名內大臣後亦改今名云

世祿品級祿米

本朝沿三代之制設立勲爵以待有功有古世祿之寵而不畀以權使功臣之後安享太平而無敗壞決裂之患實法三代而有勝者焉初定公侯伯名位歷級有九子男以下以國語稱之乾隆初允御史舒赫德請改子男等名號公位視三公冠珊瑚服斗牛補襲次二十有四祿米六百石侯伯服與公同侯次二十伯次十八祿米四百石子位視正一品服麒麟歲祿三百石次十六男位視正二品次十祿米二百石輕車都尉位視正三品次八祿米百石騎都尉位視正四品次五祿米五十石雲騎尉視正五品次三祿米六十石凡位八級二十有一品位釐然使功臣之膏有所贍養較邁漢唐之制遠矣國初以開創勲者不論階次咸世襲罔